

ԳԵՐՈՒԹՅԱՆ ՀԱՄԱԿԱՐԳԸ ՕՍՄԱՆՅԱՆ ԿԱՅՍՐՈՒԹՅՈՒՆՈՒՄ
(XV – XVIII դդ.)

Ա Ա.ԽԱՌԱՏՅԱՆ

Հայտնի է, որ պատերազմներն ու ռազմական արշավանքները, այլ ժողովուրդներին նվաճելն ու հարստահարելը կազմել են Օսմանյան կայսրության գոյության հիմքերը: Միջնադարում, մասնավորապես XIV – XVIII դդ. մշտական պատերազմների հետևանքով ձեռք բերած ռազմավարն ու մարդկային ռեսուրսները այն միջոցներից էին, որոնք մի հայտնի չափով պայմանավորում էին կայսրության նյութական բարեկեցությունը: Պատերազմների շնորհիվ թուրքերի իրականացրած գերեվարությունները, ինչպես և XIV դ. ծայր առած մանկահավաքները (ղեվչիրմե) օսմանյան ռազմավարտության ավագանուն հնարավորություն էին տալիս գերիներով համայրել բանակը, շենացնել ամայացած բնակավայրերը և ստանալ կանխիկ շահ (գերեվաճառություն): Գերիների համակարգը դարեր շարունակ իր կնիքը դրեց օսմանյան ռազմական, վարչաբյուրոկրատական ու տնտեսական հարաբերությունների բնույթի վրա:

Ընդհանուր իմաստով, գերիների համակարգը սկիզբ էր առնում և վերարտադրվում երկու հիմնական ուղղություններով՝ պատերազմի միջոցով գերեվարությունների (ռազմագերիներ, պարտված երկրների ազգաբնակչության ստրկացում) և արդեն նվաճված ու կայսրության տարածքում ընդգրկված ոչ մահմեդական ժողովուրդների հաշվին:

Օսմանյան կայսրությունում մեծ չափերի հասնող գերեվարություններն ու ստրկությունը սկիզբ են առնում իբրև սելջուկների ժամանակներից (XI դ.) շարունակվող իրողություններ: 1453 թ. գրավելով Կոստանդնուպոլիսը՝ թուրքերը կոտորեցին բնակչության մի մասը, իսկ մյուս մասը՝ 60.000 մարդ, քշվեց գերության: Գրեթե ամբողջովին ամայացած մայրաքաղաքը վերաբնակեցնելու և բանակը համայրելու նպատակով Մեհմեդ II-ը գործի դրեց պարտված ժողովուրդների գերեվարություններն ու տեղահանումները: 4.000 կորնթացի հույների սուլթանը տեղափոխեց Կոստանդնուպոլիս չրջակայք: 1458 թ. 40.000 գերի բերվեց Պելոպոնեսից, ապա Բալկաններից: 1459 թ. Սերբիայից գերեվարվեց 200.000 մարդ, և պարտված բնակչության տեղահանումներն ու բռնագաղթները նույն թափով շարունակվեցին 1460 -

¹ I. H. Uzuncarslı, *Osmanlı Devleti Teşkilatından Kapukulu Ocakları* t. II. Ankara, 1944, s. 265.

² А. Д. Новичев. Рабство в Османской империи в средние века [Проблемы социальной структуры и идеологии средневекового общества (межвузовский научный сборник), вып. 2, Л., 1978, с. 56].

³ Византийские источники Дука и Франдзи о падении Константинополя (перевод и предисловие А.С. Стеланова), Византийский временник, М., 1953, № 7, с. 387.

⁴ Kritovoulos, *History of the Mehmet the Conqueror*. Princeton, 1954, p. 136 - 137.

⁵ А. Д. Новичев, *ibid.*, էջ 66:

1470-ական թթ. Խորվաթիայից, Կրաինայից, Շտիրիայից, Սլովանիայից և Հունգարիայից:

Գերիները մասամբ բռնի վերաբնակեցվում էին, մասամբ՝ կազմված երիտասարդներից, վերածվում ենիչերիների, իսկ մյուս մասը, իբրև ռազմավար, վաճառվում էր: Ռազմագերիները, ինչպես և ղեկավարների պատանիները, որպես կանոն, համալրում էին օսմանյան բանակը՝ մտնելով ենիչերիական և աջեմի զորամասերի մեջ: Ռազմագերիներ հայթայթելու հիմնական տարածքները օսմանյան բանակի համար մնում էին Բալկանները, Մերձավոր արևելքը, ինչպես և Անդրկովկասը: Մանկահավաքի միջոցով Մեհմեդի ժամանակ Կոստանդնուպոլիս բերվեցին էնկյուերիում բնակվող հայ պատանիները. «Իսկ անաւրէն արքայն տաճկաց, - գրում է հիշատակագիրը,- ժողովեց գերիստոնէից մանկունսն և երբը Ըստըմպօլ...»:

Գերիների մի հայտնի չափը բնակեցվում էր գյուղատնտեսական շրջաններում՝ Հողագործությամբ զբաղվելու համար: Բալկանյան արշավանքներում ձեռք գցած գերիների իրեն հասանելիք կեսը՝ 4.000 մարդ, ամենայն հավանականությամբ՝ Հողագործներ, Մեհմեդ II-ը տեղավորեց Կոստանդնուպոլսի մերձակա գյուղերում: Նրանց պարտադրելով զբաղվել գյուղատնտեսական արտադրությամբ: Բնակեցվելով խասերի՝ սուլթանական սեփականություն համարվող հողերի վրա, այս, և հնարավոր է, հետագայում, նրանց միացած գերիները վերածվել էին այսպես կոչված օրթաքչի-կուլերի (բառացի՝ կիսրար ստրուկներ): 1498թ. Ստամբուլի խասերի մասին հրապարակված օրենքը բավականաչափ փաստեր է, ընդհանում այս գերիների կարգավիճակի, նրանց պարտականությունների, բեյությունների (որոնց սահմաններում գտնվում էին խասերը) հետ ունեցած փոխհարաբերությունների և այլնի վերաբերյալ: Օրթաքչի-կուլերը, որոնք քրիստոնյա և հրեա գերիներ էին, լիովին ենթարկված էին հարկադրական աշխատանքի: Իրենց հատկացված հողակտորները նրանք մշակում էին կիսրարության, այսինքն՝ բերքի կեսը բեյությանը տրամադրելու (ուշր և սալարիե հարկի ձևերով) սկզբունքով: Կուլերը կատարելապես իրավազուրկ էին, նրանց ամուսնությունը, աշխատանքը և ժառանգությունը ամբողջովին տնօրինում էր բեյությունը: Ըստ օրենքի, կուլերը Հողը պետք է մշակեին խիստ կանոնարկված պայմաններում՝ որոշակի մշակաբույսեր (ցորեն, գարի, վարսակ) սահմանված Հողատարածությամբ և չափերով: Ավելի սերմ ցանելու դեպքում և սերմացուն, և բերքը բռնագրավվում էր և տրվում բեյությանը, իսկ պակասի դեպքում, միևնույն է, կուլից պետք է գանձվեր այնքան հարկ, որքան սահմանված պայմաններում գործող օրթաքչուց: Բլրումն այս անխուսափելի պարտադրանքի, օրթաքչիները անվերապահորեն ամրացված էին Հողին. հակառակ ռայայի, որը կարող էր զբաղվել նաև այլ գործով (սիփահուն իր որոշյալ հարկը վճարելու պայմանով), օրթաքչիները պետք է զբաղվեին միայն Հողագործությամբ և միայն բեյության համար: «Ամեն մի ստրուկ, - ասված է նշված օրենքում, - որը ձի ձեռք բերելով

⁶ Մ.Մաշտոցի անվ. Մատենադարան, ձեռ. № 2549, ք. 255:

⁷ Дукa. Византийская история (Византийский современник, 1953, т. VII, с. 409).

⁸ Аграрный строй Османской империи XV-XVII вв. Документы и материалы. М., 1963.

⁹ Նույն տեղում, էջ 174 - 175:

դբաղվում է այլ աշխատանքով՝ թողնելով չիֆթի (Հողահանդակի - Ա.Խ.) մշակումը, պետք է Հայտնաբերվի, նրանից ձին պետք է խլել, իսկ իրեն թող ուղեկցեն բեյություն՝ պատժելու համար, որպեսդի բացի չիֆթ մշակելուց, այլ գործով չդբաղվի»¹⁰ :

Օրթաքչիների իրավական կարգավիճակը արտացոլում էր ոչ միայն նրանց սոցիալական գործառույթը, այլև այս վերջինից բխող՝ նրանց աշխատանքի հափազանց ցածր արտադրողականությունը, որ լավագույն դեպքում հազիվ կարող էր ապահովել բուն իսկ կուլերի բնական վերարտադրությունը: Նշված օրենքում արդեն ընդգծվում է, որ կուլերի մեծ մասը, շատ չնչին Հողակտորներ ունենալով, զրկված է բավարար հափով եկամտից, ուստի և առաջ է քաշվում նրանց հող (ազատ կամ չմշակված) տրամադրելու հարցը: Այս օրենքում ուրվագծվում են այն հիմնական նախադրյալները, որոնք պետք է պայմանավորեին օրթաքչի-կուլերի դասի և նրանց գյուղերի վերացումը: Այսպես, արգելվում է կուլի ամուսնությունն ազատի հետ, նրա հեռանալը խասի սահմաններից, որի հետևանքով ծնված երեխաները դառնում էին ազատ, և չէր ապահովվում կուլերի վերարտադրությունը: Կամ՝ ամուսնուն կորցրած կանանց բռնի ամուսնացնում էին նույն խասի ստրկի հետ, որպեսզի և մեկը, և մյուսը չձգտեին ամուսնանալ ազատի հետ՝ խուսափելով իրենց պարտականություններից¹¹: Այս և նման օրենքները, սակայն, ի վիճակի չէին կանխելու օրթաքչի-կուլերի ինստիտուտի քայքայումը, որի հիմքում ընկած էր նրանց աշխատանքի ոչ արտադրողական բնույթը: Նույն պատճառով, բեյություններին ևս ձեռնադրվել էր օրթաքչի դասի հարատևումը, որի աշխատանքը խասի սահմաններում ամենևին եկամտաբեր չէր: Պակասը լրացրեց իլթիզամի (Հարկահանում վարձակալության իրավունքով) համակարգի տարածումը խասերի վրա, որը, Կոչի բեյը համարում էր դրանց քայքայման պատճառներից մեկը¹²: Պետք է եզրակացնել, որ օրթաքչի-կուլերի՝ աշխատանքի մեջ շահագրգռվածության կուտարյալ բացակայությունը, մեծ չափերի հասնող նրանց փախուստը կամ հեռանալը խասից՝ ազատ բնակչությանը խառնվելու միջոցով, արեցին իրենց գործը: Փոխարենը, Կոստանդնուպոլսի բնակչության թվաքանակի աճի հետ միասին ընդարձակվել էին ռայաների տնտեսությունները: Էվլիյա Ջելեբու ժամանակ Կոստանդնուպոլսի չորս կադիություններում գործում էին շուրջ 57 հազար չիֆթչիներ (երկրագործներ), 43.950 այգեպաններ¹³:

XVI - XVII դդ. թուրք-պարսկական պատերազմների ընթացքում Հայաստանի գոյգ հատվածներից գերեվարվեցին հարյուր հազարավոր հայեր, և այս թվաքանակն իսկ վկայում է Հայության անդարձ կորուստների մասին: Գերեվարումը սովորական, ավելի շուտ՝ անհրաժեշտ երևույթ էր

¹⁰ Նույն տեղում, էջ 176:

¹¹ Նույն տեղում, էջ 179 - 181:

¹² Նույն տեղում, էջ 181: Թուրքական աղբյուրները Հայաստանի, Հայերի և Անդրկովկասի մյուս ժողովուրդների մասին, Հ.Բ. (կազմ. Ա.Խ.Սաֆրաստյան), Ե., 1964, էջ 226: Ա.Գ. Նովիցկը գրում է, որ Կոստանդնուպոլսի սուլթանական խասերում 1530թ. կուլ-օրթաքչիներ այլևս չկային (А.Д. Носачев, նշվ. աշխ., էջ 67), սակայն, պետք է կարծել, որ կուլերի դասը վերացել է ավելի ուշ, նույն դարի վերջին կամ XVIIդ. առաջին քառորդին, որ կարելի է մակարբերել Կոչի բեյի վերոհիշյալ տեղեկություններից:

¹³ А.Д. Носачев, նշվ. աշխ., էջ 67:

¹⁴ Օտար աղբյուրները Հայաստանի և Հայերի մասին. 4, Էվլիյա Ջելեբի (Թարգմ., առաջաբանը և ծանոթ. Ա.Խ.Սաֆրաստյանի), Ե., 1967, էջ 35:

դարձել պատերազմող երկու կողմերի՝ և օսմանցիների, և պարսիկների համար, այն պայմաններում, երբ Հայաստանի տարածքների մի նշանակալի մասը ձեռքից ձեռք էր անցնում: Որպես կանոն, թուրքերի կողմից գերության քչվածների մեծ մասը վաճառվում էր ստրկավաճառ շուկաներում, կրոնափոխվում էր և լուծվում մահմեդական զանգվածի մեջ: 1475թ. Կաֆայի գրավումից հետո գերված հույների, հայերի և ճենովացիների մի մասը վերաբնակեցվեց Կոստանդնուպոլսում, իսկ մյուսները, իբրև ստրուկներ, վաճառվեցին կամ եփիչերի դարձվեցին և կամ էլ ուղարկվեցին հարեմներ: Բռնի տեղահանություններից բնակեցվեցին մայրաքաղաքի առանձին թաղերում: Հավաք խմբերով, և այս դեպքում՝ ոչ թե գերու, այլ ոչ մահմեդական ռայայի կարգավիճակով: Նկատենք, որ շատ դեպքերում աղքատները չեն տարբերում տեղահանվածներին և գերիներին՝ նրանց վիճակը բնութագրելով ընդհանրապես գերության հասկացությամբ: Ընդ որում, աղքատները երբեմն ցույց են տալիս, որ գերության քչվածները թվաքանակով շատ անգամ գերազանցել են վերաբնակեցման նպատակով տեղահանվածներին: Տեղահանության համար ընտրվում էին գրավված վայրերի արհեստավորներին կամ հողագործներին, որոնց հմտություններն արդեն իսկ արժեք էին ներկայացնում նվաճողների համար: Գ. Այվադովսկին 1475թ. Կաֆայից գերեվարված բնակչության, այդ թվում և հայերի թիվը հաշվում էր 40.000 մարդ¹⁵, սակայն որքան էլ հազարներ կազմեին հայերն այս ընդհանուր թվի մեջ, միևնույն է, նրանց նվազ մասն էր համալրելու Կոստանդնուպոլսի հայ համայնքը: Մնացյալը քչվել էր գերության և վաճառվել կամ համալրել կուլ (ստրուկ) դասը: 1514թ. գրավելով Թավրիզը՝ սուլթան Սելիմը, իր հերթին, մայրաքաղաք էր տեղափոխել 1000 արհեստավորների, որոնց մեջ՝ նաև հայերի¹⁶: 1579թ. հիշատակագիրը նշում էր, որ թուրքական զորահրամանատար Լալա փաշայի զորքերը «մինչ ... քաղաքս նախշուանու և այլ զաւառաց աւելի քան քառասուն Ռ (հազար) սնձինք գերեցան»¹⁷: Նույն այս ժամանակներում Զաֆեր փաշայի զորքերը գերի են վերցրել Երևանի և մերձակայքի բավական ստվար բնակչություն, նրանց մեջ՝ նաև հայերի: Թուրք պատմագիր Ի. Փեչեվսկին գրում է, թե գերիների այն հարցին, թե արդյո՞ք օրինական է խաղաղ բնակչությանը գերի վերցնելը, մուֆտին իր ֆեթվայով անվերապահորեն հաստատական պատասխան էր տվել¹⁸: 1581թ. ևս թուրքերը Արարատյան դաշտավայրից գերում են 24.000 մարդ: Նույն կերպ, չի բացառվում, որ 1720-ական թթ. Սյունիքից և Արևելյան Հայաստանի այլ մասերից գերվածների մի մասը, դարձյալ տիրողներին

¹⁵ Մեհմեդ II-ն այս դեպքում նախատեսում էր բռնազաղթածների շատ ավելի լայն խավեր, ոչ միայն արհեստավորներ, այլև հողագործներ, վաճառականներ և առհասարակ հարուստ մարդիկ, որոնք օգտագործվելու էին առևտուրը մայրաքաղաքում ծափալելու համար, այլև իրենց նյութական կարողությունները պետք է ի սպաս դնեին նրա կառուցապատմանը (Kritovoulos, նշվ. աղբ., էջ 140):

¹⁶ Գ. Այվադովսկի, Պատմություն օսմանյան պետության, Հ. Ա. Վենետիկ, 1841, էջ 198:

¹⁷ Նույն տեղում, էջ 272:

¹⁸ Կարապետ Եպիսկոպոս, Նյութեր Հայ մելիքության մասին, Բ. պրակ, Էջմիածին, 1914, էջ 186 - 187:

¹⁹ Տե՛ս Մ. Կ. Զուլալյան, Հայ ժողովրդի պատմության հարցերը ըստ եվրոպացի հեղինակների, XIII-XVIII դդ., գիրք Ա, Ե., 1990, էջ 126 - 127:

²⁰ Մաշտոցի անվ. Մատենադարան, ձեռ. 6332, էջ 158:

ձեռնտու Հատկանիշների շնորհիվ (արհեստներ, մասնագիտական Հմտութիւններ), պահպանած լինելը իր դավանանքը և Համայրեր Օսմանյան կայսրութեան քաղաքների (Կոստանդնուպոլիս, Զմյուռնիա) Հայ Համայնքները: Բայց այս դեպքում ևս անհամեմատ մեծ թիվ պետք է կազմած լինեին Կոստանդնուպոլիսի շուկայում իրրե գերի վաճառվողները: Շատ ավելի փոքրաթիվ և պարզապես պատահականութեան բարեհաճութեանը արժանացած պետք է լինեին գերեզմարութիւնից Հայրենիք վերադարձած և բեկված ճակատագրով մարդիկ: Երևանի Մաշտոցյան Մատենադարանում պահպանվում է մի գրութիւն՝ նախիջևանցի մի կնոջ մասին, որն ազատվել էր օսմանցիների գերութիւնից և որի մասին դրում է ոմն Հովսեփ վարդապետ.

«Տէր իմ տէր

Զայս ևս յայտ առնեմ զի կին նախիջևանցի Ճավահիր կին մի անկեալ ի ձեռ օսմանցոց գերի (անընթ.) մնացեալ է գերութեան մէջ, այժմ քառասուն օրէն յառաջ եկեալ է աստ, անկեալ առ ոտս սրբազնագոյն (անընթ.) և ասէր որ տէր ոչ ունիմ, վերն Ա ծ և աստ տէրդ ահա նորին պատմութիւն տեղապահութեան սարկաւազ Մկրտիչն ունի մանրամասնաբար պատմել սրբազնագունիդ, զի եթէ կամիս, ես աստէն քիրայով առաքեմ առ Աղայն, զի անդ պահպանել, Հազիր անտէր կին է և երիտասարդ:

Նորընծայ տէր Ա ծ տր աբեղայն յոյժ մերկ է զի ունի վերարկու եթէ կարելի է Հնից և կամ նորից մին վերարկու առաքել ծածկելով զմերկութիւն իւր (անընթ.) և (անընթ.) Հնոտի չարսավ եալաճակ կնոջն այն»²²

XVII - XVIII դդ. կայսրութեան մեջ նվազում են նախորդ դարերին Հաճախակի Հանդիպող տեղահանումները, բռնագողթերը և գերիների Համախումբ վերաբնակեցման երեւոյթները: Ստրկավաճառութիւնը, ինչպես և կուլ դասի էքստենսիվ Համալրումը դառնում է գերիների իրացման գրեթե միակ նպատակը: Օսմանյան բանակում գերեզմարութիւնը սկսվում էր գերիներ ձեռք բերելուց անմիջապես Հետո, գոնե նշանակալի արշավանքների ժամանակ: Իդրո դեպքերում գերիները բռն էին, ընդ որում, արշավանքի և պատերազմի խստամբեր պայմաններում տեղափոխվող ամենախոցելի ապրանքը, ուստի Հաղթողները շտապում էին ազատվել նրանցից՝ ծախելով բանակին Հետևող գերեզմարութիւններին: 1647թ. Վրաստանում գերեզմարած քրիստոնյաներին թուրքական ավարառու զորքը վաճառել էր մոտակա տրանզիտային Հանգույցում: Այս առթիվ էվլիյա Չելեբին գրում է. «Մեր բանակը ծայր աստիճան Հարստացավ գերիներով և ավարով: Գուրաքանչյուրի ուժերից վեր էր տանել ձեռք գցածը... Ավարը տարան Տրապիզոն և օգուտով վաճառեցին»²³: Իրեն՝ էվլիյա Չելեբուն, գորահրամանատարներից մեկը նվիրում է մեկական ստրուկ և ստրկուհի²⁴: Տոհմիկ գերիներ կրկազնվում էր ոչ տոհմիկ գերիներով, սրանք՝ տնային կենդանիներով, արհեստագործական արդյունքներով և այլն: Հայաստանում ոչ քիչ դեպքերում գերիներին փրկագնում էին գերութիւնից ազատ մնացած Հարազատներն ու ազգականները, կրոնական Հայրենասեր գործիչներն ու

²¹ Գ. Այվազովսկի, Նշվ. աղբ., Հ. Բ, Վենետիկ, 1841, էջ 273:

²² Մեջբերվում է կրճատումներով. Մ. Մաշտոցի անվ. Մատենադարան, Կաթողիկոսական դիվան, Թղթ. 245, վավ. 378:

²³ Օտար աղբյուրները... էվլիյա Չելեբի, էջ 131:

²⁴ Նույն տեղում:

Հարուստ խոջաները: XVI – XVII դդ. Հայ գերիների փրկագնման գործը ժողովրդից ու եկեղեցուց հավաքված միջոցներով, հանգանակություններով և այլն, ժամանակի կարևոր ազգային առաքինություններից մեկն էր Համարվում: Գրականության մեջ գերիների փրկագնման բազմաթիվ վկայությունների ենք հանդիպում: Այսպես, 1534թ. թուրք-պարսկական բախումների ժամանակ գերի ընկած Հայրենակիցներին փրկագնել էին խոջաները. «Խաւջայ Ղարէն ի Վանայ վաթսուն դերի գնեց (թուրքերից – Ա.Խ.) և ազատեց... Խաւջայ Սահակն ի գԱմիթ քաղաքն երեք Հարիւր գերի գնեց և ազատեց տրօք և ողորմութեամբ», – հիշվում է մի ձեռագրում: Հայ կաթողիկ Հայր Ավգուստինոս Բաջենցը այս կերպ XVII դ. սկզբին պարսիկներից ազատել է շատ գերիների՝ օգտվելով ֆրանսիական դեսպանի բարեհաճությունից. «Նորոյ շքովն, – գրում է նա, – շատ Հայի գիրի (դերի – Ա.Խ.) ազատեցի ի անօրինաց ձեռնէ»²⁵:

Հայ գերիներին ազատելու գործում մարդասիրական եռանդուն գործունեություն էր ծավալել նշանավոր Մովսես կաթողիկոսը: «Մովսէս կաթողիկոսն, – գրում է լավատեղյակ Հեղինակը, – Ռէթ (1630) թվին... ամենայն դուրսաբերուց Հարկ դնէր, որ զգերեալսն ազատէին, զի ինքն ևս իւր ընչիցն տայր և ազատէր ամենեքումբ, երեք-չորս Հազար գերի աւել Երէվան և Ի Թարվէզ և այլ գիւղաքաղաքս ազատէին և առաքէին ի տեղիս իւրեանց»²⁶:

1638թ. ևս Արարատյան դաշտից և Երևանից գերվածներին զանգվածաբար փրկագնում են էջմիածնի Հոգևորականները. «Մինչ զամենեսեան ազատելով և ոչ թողլով մինչև մի»²⁷: 1724թ. էջմիածնի կաթողիկոսը փրկագնել էր 800 մարդ՝ Խոյի, Երևանի, Ուրմիայի, Թավրիզի և այլ վայրերի Հայ գերյալներից: Զփրկագնվեցին միայն ուրացողները և փրկագնելու կարիք էլ չկար, որովհետև սյունի մահմեդականություն ընդունելով, նրանք արդեն ազատվում էին ստրկությունից: 1720-ական թթ. Արևելյան Հայաստանից բերված Հայ գերիների թիվը Կոստանդնուպոլսի ստրկավաճառ շուկայում հասել էր այնպիսի մեծ չափերի, որ պատրիարք Հովհաննես Կոլոտը բողոքով դիմեց մեծ վեզիր Իբրահիմին՝ նրանց ազատելու Համար:

²⁵ Մաչողի անվ. Մատենադարան, ձեռ. № 6332:

²⁶ Վարք Աւգոստինոս Բաջենց Հայալատին եպիսկոպոսին (Բանասեր, Փարիզ, 1903, գիրք Գ, էջ 224):

²⁷ Հակոբ Կարենցի, Տեղագիր Վերին Հայոց: Վաղարշապատ, 1903, էջ 34:

²⁸ Ժամանակագրութիւն Գրիգոր վարդապետի Կամախեցւոյ, Երուսաղէմ, 1915, էջ 578: Այսուհանգերձ, գերիների մի մասին Հնարավոր չեղավ փրկագնել՝ «Եւ թէ գաղտ փախուցին ի Հեռագոյն աշխարհ ուրեք, որպէս ի Կոստանդինուպօլիս և այլ գաւառ...» (նույն տեղում, էջ 580):

²⁹ Մաչողի անվ. Մատենադարան, ձեռ. № 4515, էջ 651 – 652:

³⁰ Օսմանցի սյունի մահմեդականները պիղծ էին Համարում չիա պարսիկներին, որով և Հիմնավորվում էին վերջիններիս գերեվարությունն ու սրանից բխող բոլոր Հետևանքները: Պարսկաստանից և Արևելյան Հայաստանից գերված բնակչության թվաքանակին վերաբերող Հայկական աղբյուրների տվյալները, Հետևաբար, վերաբերում են, ըստ մեծի մասին, նաև պարսիկներին և այլ չիա մահմեդականներին: Իրենք՝ պարսիկները, ըստ Հարկին, գերեվարում էին օսմանյան տարածքներում բնակվող թուրքերին և Հայերին: 1730թ., երբ օսմանյան զորքերը Հեռ են քաշվում Թավրիզից, այստեղ մնացած Հայերը գերի են ընկնում պարսիկներին. «Իսկ զողորմելի ազգս Հայոց, որ գնացեալ էին ի Թավրէզ վասն վաճառի և արուէստի, նոքա ազգն պարսից արարին գերի փոխանակ գերեացն իւրեանց», – ասված է մի ձեռագրում (Մատենադարան, ձեռ. № 4515, էջ 660):

Դրանից հետո վերջինս հրամայեց, «առ ամենայն պորավարս բանակին՝ խափան ղնել անիրաւութեանցն այնոցիկ»³¹:

Օսմանյան մայրաքաղաքը միջինարևելյան տարածաշրջանի ստրկավաճառ խոշոր կենտրոններից մեկն էր: Պետութիւնը ահագին եկամուտներ էր ստանում միայն գերիների վաճառքից, եթե մի կողմ թողնենք գերիների համակարգի առանձնահատուկ նշանակութիւնը այդ երկրի ռազմավարական ու տնտեսական բնագավառներում: Էվլիյա Չելեբին այսպես է նկարագրում Կոստանդնուպոլսի գերիների շուկան. «Ստամբուլում, Թափուք բազար թաղամասում էսիր բազարը (ստրուկների շուկա) անունով մի հայտնի տեղ կա, որի վերևի ու ներքևի հարկերում կան 300 խցիկներ: Երկաթյա փականքով դռան առաջ նստած կառավարիչը տասանորդ է առնում վաճառված ստրուկների և ստրուկհիների համար: Ստրուկների առևտրով պարապող վաճառականների թիվը մոտ 2.000 է: Սրանք Կովկասից, Վրաստանից և Ղրիմից իբրև նվիրական պատերազմի ապրանք ստրուկներ են բերում և վաճառում»³²:

Եթե, և թեկուզ սահմանափակվենք Էվլիյայի ժամանակով (XVII դ. 1-ին կես), միայն ստրկավաճառների թիվը հասնում էր շուրջ 2.000-ի, ապա պետք է նկատի ունենալ առհասարակ գերիների պատկառելի թիվը և նախորդ, և դրան հետևող ժամանակաշրջաններում: Պետութիւնը ևս չափազանցված էր գերեզմանութիւն մեծ չափերով և բարձր գներով, որովհետև նրան էր հասնում վաճառված գերու արժեքի 1/10-ը: Թուրք ուղեգիրը թեև լռում է Բալկաններից բերված գերիների մասին, սակայն չպետք է կասկածել նրա բերած տվյալների ճշտութիւնը: Ի դեպ, գների մասին: Կոստանդնուպոլսի շուկայում ամենից թանկ արժեքին գեղեցիկ երկսեռ ղեռահասները: 1647թ. Կովկասում պատերազմող թուրք զորահրամանատար Սեյդի Ահմեդ փաշան գեղեցիկուհի աղջիկներից ամեն մեկի համար վճարում է 1000 դուրուշ՝ նվեր ուղարկելով սուլթան Իբրահիմին³³, երբ նույն այս «Հաղթական արշավանքի» ժամանակ մեկ կովն արժեք կես դուրուշ: Դեռահաս գերիների գնի մասին որոշ պատկերացում է տալիս դրանից տասնամյակներ անց իրողութիւնը նկարագրող Ե. Քյոմյուրճյանը.

Եւ որք գեղով և կովէ
Շատ գնոջ սակի պահեն զայն
Յելս ի մաքսատունն յայնժամ.
Զգինան տան լ'ի տեարց առնուն զայն:
...Եթե հարիւր դրուշ է գինն
Հինգ հարիւր ոսկի տեսաք զայն³⁴:

Ե. Քյոմյուրճյանը ուշադրութիւն է դարձնում Եսիր բազարում ուռւ (նաև ուկրաինացու իմաստով) գերիների թշվառութիւն վրա՝ «կիւրճի, չէրքէս, շատն է բուս»³⁵: Նա հետաքրքիր տեղեկութիւններ է հայտնում

³¹ Գ. Այվազովսկի, նշվ. աշխ., հ. Ա, էջ 173:

³² Օտար աղբյուրներ... Էվլիյա Չելեբի, էջ 36:

³³ Նույն տեղում, էջ 130:

³⁴ Երեմիա Չէլէպիի Կ. Պոլսեցւոյ Պատմութիւն Ստամպուլայ (Հանդէս ամսօրեայ, 1910, № 3, էջ 90):

³⁵ Նույն տեղում: Ղրիմի թաթարները գերեզման շուկաներ էին մատակարարում մեծ քանակութեամբ ուռւ և ուկրաինացի գերիների՝ ուռւական և ուկրաինական հողերի վրա իրենց հաճախակի ասպատակութիւններից հետո: «Թուրքիայի համար ուկրաինացի գերի

գերիների կացության, վաճառքի, նրանց սպասվող ճակատագրի մասին, որ որոշակի պատկերացումներ է տալիս գերիների դասը գոյացնող մի նշանակալի մասի վերաբերյալ: Գերիներ գնում էին տարբեր նպատակներով, ամենատարբեր քնազավառների համար՝ սկսած պարտադիր աշխատանքից և վերջացրած կրոնական կառույցները (ուլեմներ) համալրելու, արվեստի (պար, երաժշտություն և այլն) պահանջներով, հարեմները ճոխացնելու ցանկությամբ և այլն:

XVII դ. սկզբներին Կոստանդնուպոլսի Եսիր բազար այցելած Սիմեոն Լեհացին գրում է, որ այնտեղ «բազում քրիստոնեայք գերիք տղա և ազգ: Որք ծեր են և պառաւք՝ նստել են: Իսկ զաղջկունս և մանկունս, զտղայս և զաղվորներս կանայս տէլլալին (վաճառողները - Ա.Ա.) առեալ ի ձեռս զնոսա՝ շուր ածէին և ծախէին որպես զծի և զջորիք»³⁶:

Օսմանյան կայսրության մեջ գերիների (ստրուկների) կարգավիճակի վերաբերյալ ուշագրավ որոշ տվյալներ են տալիս Սելիմ I-ի (1512 - 1520) օրենքները: Պատկանելով տիրոջ՝ գերին, իրավական տեսակետից, համարվում էր ոչ լիարժեք սուբյեկտ: Ստրուկի մեղանշումներն օրենքի առջև չեն համարվում լիարժեք անձի մեղանշումներ, ուստի պատժվում են շատ ավելի մեղմ չափերով: «Եթե շնացել են ստրուկը և ստրկուհին, թող նրանցից զանձվի (չափով տուգանք) ազատ (տղամարդուց) և ազատ (կնոջից) զանձվող տուգանքի կեսը»³⁷, - ասված է հիշյալ օրենքներից մեկում: Եվ ընդհանրապես, երբ գերին հանդես է գալիս որպես ազատի հանցագործության օբյեկտ, չի զանազանվում սովորական ապրանքից կամ իրից, և այս դեպքում նրա հանդեպ ոտնձգություն կատարողը պատժվում է ճիշտ նույն չափով, ինչ չափով պատիժ է նախատեսվում ուրիշի ունեցվածքի նկատմամբ ոտնձգություն կատարողին: «Նրան, - ասված է Սելիմի մի այլ օրենքում, - ով առևանգել է գերուն, տարել ստրուկին, ստրկուհուն կամ տղային, ով մտել է կրպակ, սողոսկել տուն և քանիցս բռնվել գողության մեջ, թող կախեն»³⁸:

Որ գերու տեղը օսմանյան հասարակության մեջ դիտվում է բացառապես գույքային հարաբերությունների տեսակետից, իրրև սեփականություն, ակնհայտ է նաև հետևյալ օրենքից. «Եթե տղամարդը կապվի իր կնոջ, մոր կամ մերձավորներից մեկի ստրկուհու հետ, ապա կադին, պատժելով նրան, թող ճիպտի ամեն մի հարվածի հետ վերցնի 1 աքչե տուգանք»³⁹: Գերին այստեղ դիտարկվում է ոչ թե սեփական իրավունքների (որոնցից նա կատարելապես զուրկ էր), այլ հանցավոր արարք կատարողի՝ ուրիշի իրավունքների նկատմամբ ոտնձգություն կատարելու, ուրիշի (կնոջ, մոր կամ մերձավորներից մեկի) գույքն ապօրինի տնօրինելու տեսակետից: Եվ ընդհանրապես, գերու տեղը, թվում է, անսահման իշխանություն ունի նրա անձը տնօրինելու հարցում: Կարծում ենք, հետևյալ նորմում արտացոլված է

ստրուկների գլխավոր մատակարարը մնում է Ղրիմը», - գրում է Ա.Կրիմսկին (А. Кримский. История Турсии и ее литературы от расцвета до начала упадка. М., 1910, с. 24): Ա.Դ.Նովիկովը գրում է, որ Կ.Պոլսը թուրքերի կողմից գրավվելուց հետո ամեն օր նրա նավահանգիստն էին մտնում 3 - 4 նավ՝ ռուս գերիներով բեռնված (А. Д. Новичев, ԼՂԲ. աշխ., էջ 70):

Սիմեոն դպրի Լեհացույ ուղեգրություն, Վիեննա, 1936, էջ 18:

³⁷ Книга законов султана Селима I. (Публикация текста, перевод, терминолог. комментарий и предисловие А.С.Тверитиновой). М., 1969, с. 32.

³⁸ Նույն տեղում, էջ 36:

³⁹ Նույն տեղում, էջ 33:

գերութեան, որպէս գույքի նկատմամբ սեփականատիրական իրավունքի սկզբունքը: Հակառակ վերը նշված նորմի, այստեղ ասված է. «Եթե խորէ մեկի» որդին կապված լինի իր (Հոր - Ա.Խ.) ստրկուհու կամ... Հետ, ապա դրա համար ոչինչ չի արվում, թող չխառնվեն»: Ուրեմն, Հորը պատկանող ստրկուհին օրենքի տեսակետից պատկանում է նաև որդուն և կամ վերջինս օգտւում է Հոր սեփականատիրական իրավունքից, ուստի նույն սեփականութեան տնօրինումը տվյալ դեպքում հանցանք չի համարվում:

Սեյիմի օրենքներում ստրուկի կարգավիճակին վերաբերող նշված նորմերը սպառիչ պատասխան չեն տալիս նրա կյանքը տնօրինելու ստրկատիրոջ իրավունքների ամբողջ ծավալի մասին (օրինակ, նրան սպանելու կամ մահվան պատճառ դառնալու դեպքում անպատժելիության իրավունքի մասին): Եղածները, սակայն, Հիմք են տալիս եզրակացնելու, որ Օսմանյան Թուրքիայում ստրուկները համարվել են տիրոջ կատարյալ սեփականութիւնը, զուրկ են եղել ամեն մի իրավունքից: Նրանց կարգավիճակը բնութագրելիս պետք է ինչպէս զուտ օսմանյան գույքային-սեփականատիրական հարաբերութիւնների բնույթից:

Գերիների նկատմամբ սեփականատիրական իրավունքի, փախած ստրուկներին տերերին վերադարձնելու կամ վաճառքի, նրանց պատիժների և այլ հարցերին բավական ուշադրութիւն է դարձված Սուլեյման Կանունիի (1520 - 1566) օրենքներում: Նորմերից մեկում ասված է, որ բռնակցու դեպքում փախած ստրուկները, ըստ սովորույթի, պահվում են 3 ամիս, մինչև տիրոջ հնարավոր հայտնվելը: Հակառակ դեպքում, նրանք վաճառվում էին շուկայում՝ կադիի միջնորդութեամբ: Սակայն, անգամ վաճառքից հետո հայտնված տերերը անհապաղ ստանում էին իրենց ստրուկների վաճառքից գոյացած գումարը⁴¹: 1528թ. մի օրենքով թիմարներում գրանցված փախստական ստրուկները պատկանում էին թիմարի տիրոջը, իսկ գրանցում չլինելու դեպքում՝ սանջակբեյին⁴²: Առաջին դեպքում նախապատվութիւնը տրվում էր սիփահիի սեփականատիրական, մյուս դեպքում՝ սանջակբեյի վարչական իրավունքին:

Հանցավոր ստրուկներին տրվող պատիժների առթիվ Գ.Այվազովսկին նկատում է, որ «Ձգերեաց տոյժս կիսով չափ հատուցանել պարտին տեսքն ունի», իրողութիւն, որ ցույց է տալիս ստրկի վարքագծի համար տիրոջ պարտավորութիւնը հանրային իրավունքի հանդեպ: Նույն նորմը, ինչպէս տեսանք, գործում էր դեռևս Սեյիմի օրենքներում:

Օսմանյան վավերագրերի մի այլ խումբ տեղեկութիւններ է տալիս գերիների առքուվաճառքի, նրանց տնօրինելու իրավունքի, այս բնագավառում պետութեան դերի մասին: 1559թ. մի վավերագիր վկայում է, որ ոչ մահմեդականները իրավունք չունեն գերի պահելու, ինչպէս մայրաքաղաքում, այնպէս էլ այլուր: Հրաման է տրվում կադիին՝ առանձին դավթարներում ցուցակագրել ոչ մահմեդականների մոտ գտնվող գերիներին, տիրոջ

⁴⁰ Նույն տեղում:

⁴¹ Азрапкыи строн... с. 27 - 28.

⁴² Նույն տեղում, էջ 51 - 52:

⁴³ Գ. Այվազովսկի, նշվ. աշխ., հ. Բ, էջ 400:

անուններն ու գերիներ գնելու տարևթվերը, նրանց թաղամասերը և այլն⁴⁴։ Յուզակագրումն արվում էր գերիներին ոչ մահամեղական տերերից խլելու և նրանց վերստին, միայն մահամեղականներին վաճառելու կամ նրանց պետության վերահսկողության ներքո գտնվող Հաստատություններ տեղափոխելու Համար։ Կոստանդնուպոլսի կադիին Հղված մի այլ Հրամանում (1560) ասված է, որ քաղաքի Հրեաների և քրիստոնյաների մոտ են գտնվում 32 գերիներ և 51 ծեր կանաչք։ Հրամայվում է, որ նրանց մոտ այսուհետև «գերիները ծառայություն չպետք է անեն, ազատ արձակված գերիները Հանձնվելու են մահամեղականներին, իսկ գերի Համարվողները վաճառվելու են նույնպես մահամեղականներին»⁴⁵։ Ոչ մահամեղականները իրավունք չունենին նաև սուլթակ (ազատագրված գերի) պահելու⁴⁶, քանի որ նրանց՝ գերի գնելն արդեն իսկ օրինական չէր, օրինական չէր կարող Համարվել, Հետևաբար, նրանց վճռով գերուն ազատություն տալը։ Ուշագրավ է այս վերջին վավերագրի պատվերը՝ «Ըսկ եթե մի քանիսի (ոչ մահամեղականների - Ա.Խ.) մոտ արտոնագրեր Հայտնաբերվեն, ապա բոլորի ձեռքից Հավաքիր և Հանձնիր իմ կայսերական սեմին»⁴⁷։ Պետք է հզրակացնել, որ Սուլեյմանի ժամանակ, նախքան այս Հրամանագիրը, ոչ մահամեղականներն օգտվել են Համապատասխան արտոնագրերից, ուրեմն և գերիներ են գնել օրինական Հիմունքներով։ Այս սկզբունքը (արտոնագրեր չնորհելու) Սուլեյմանը Համարել է ոչ օրինական։

Վաճառված գերու կարգավիճակն ինքնին ենթադրում էր, որ նա պետք է ընդուներ նույն կրոնը, ինչը դավանում էր իր տերը։ Մուրադ III-ի ժամանակի մի վավերագրում (1575) այս առթիվ ասված է, որ Հրեաները և քրիստոնյաները «Ձեռք բերած գերիներին Հրեա և քրիստոնյա դարձնելով... գործել են շարիաթի օրենքներին Հակառակ»⁴⁸։ Ուրեմն, գերի կարող էր ունենալ միայն մահամեղականը։ Նույն կերպ, արգելվում էր, որ Հրեաներն ու քրիստոնյաները զբաղվեն գերեվաճառությամբ։

Օսմանյան Թուրքիայում ամենագոր կաշառքի կամ սուլթանների փոփոխամտության պայմաններում Հազիվ թե նշված արգելքները անվերապահորեն պահպանվեին։ Դրանք պարբերաբար խախտվում էին, մինչև արգելող սուլթանական նոր Հրամանների Հրապարակումը։ Հակառակ դեպքում, 1559 - 1560թթ. Սուլեյման Կանունիի Ֆերմաններում Հայտարարված արգելքները չէին կրկնվի 1575թ. նույն բովանդակության՝ Մուրադ III-ի Ֆերմանում։ Խոսքը վերաբերում է Հրեաներին և քրիստոնյաներին գերի վաճառելուն, ինչպես և նրանց կողմից գերիների վաճառքն արգելելուն⁴⁹։ Այս իրողությունը մոտավորապես Հիշեցում է Կոստանդնուպոլսում գինու վաճառքն արգելելու, ինչպես և Հրեաների ու քրիստոնյաների՝ մահամեղականներից շատ ավելի զուսպ Հազնվելու կամ նրանց ստորադաս կարգավիճակն ընդգծող դույններով զգեստներ Հազնվելու վերաբերյալ սուլթանների շարունակական ֆերմանները, որոնք մերթ անտեսվում, մերթ նորոգվում էին XVII - XVIII դդ. ընթացքում։

⁴⁴ Ա. Վ. Փափազյան, Թուրքական վավերագրերը Հայաստանի և Հայերի մասին (16 - 19-րդ դարեր), Ե., 1999, էջ 207։

⁴⁵ Նույն տեղում, էջ 208։

⁴⁶ Նույն տեղում։

⁴⁷ Նույն տեղում։

⁴⁸ Նույն տեղում, էջ 220 - 221։

⁴⁹ Նույն տեղում։

Օսմանյան կայսրության մեջ գերիների համակարգի անույնիչ ավանդույթն ու բաղկացուցիչ մասն էր կազմում դեվչիրմեն (մանկահավաք)⁵⁰։ Այն կայսրության ոչ մահմեդական ժողովուրդների իրավազրկության ամենաակնառու և բարբարոսական դրսևորումն էր, որի միջոցով պետությունը ռազմավարչական և տնտեսական բնագավառները անընդմեջ լրացնում էր մարդկային ռեսուրսներով։ Հայտնի է, որ օսմանյան Թուրքիայում հասարակությունը բաժանվում էր երկու մեծ խմբերի. ասկերիներ՝ ռազմաքուրդ-կրատական և վարչական կառույցներում տեղ զբաղեցնող անձինք, որոնք հարկ չէին վճարում և ծառայության դիմաց վարձատրվում էին պետության կողմից), և ռայաներ (հարկատուներ)⁵¹։ Որպես կանոն և սակավ բացառություններով, ասկերիների դասը կազմված էր մահմեդականներից։ Ոչ մահմեդականները ասկերիների դաս կարող էին անցնել մահմեդականություն ընդունելուց հետո։ Այսպիսով, դեվչիրմեն հանդես էր գալիս որպես միջոց՝ մահմեդականացած երիտասարդությանը լրացնելու ասկերիների դասը։ Իրենք՝ ոչ մահմեդական ժողովուրդները, համարվում էին ռայա՝ կրոնական և սրանից ածանցվող դասային պատեններով սահմանազատվելով տիրապետող մահմեդականներից։

Հայկական շրջաններում մանկահավաքներ են կատարվել, Մեհմեդից հետո, 1531, 1536, 1543, 1547, 1550, 1622, 1637թթ. և այլն⁵²։

Դեվչիրմեով հավաքված երիտասարդության ողջ խմբաքանակը ուղարկվում էր զորանոցներ։ Այստեղ նրանք պետք է ընդգրկվեին ռազմական ուսուցման համակարգի մեջ՝ հետագայում ենիչերիների զորամասերում ծառայելու նպատակով։ Հավաքվածների մի մասը հարկադիր աշխատանքի էր փերցվում սուլթանների, փառաների պալատներում և այլ բարձրաստիճան անձանց տներում։ Սուլթանի պալատում «իչ օղլուները»՝ պալատի ամբողջ կարգուկանոնը և կենսագործունեությունը ապահովող երիտասարդները, անցնում էին ծառայության ամբողջ փուլերը։ 1470-ական թթ. Մեհմեդի պալատում ապրած Գիա Մարիո Անյուլյուն, որը ծառայել է իբրև Թարգմանիչ, բավական հանգամանորեն նկարագրում է «իչ օղլուներին», որպես «քրիստոնյաների զավակների, որոնց մի մասը գերի է ընկել օտար երկրներում՝ արշավանքի ժամանակ, իսկ մյուս մասը ձեռք է բերվել իր (սուլթանի - Ա.Խ.) սեփական հպատակներից... Ըստ ցուցաբերած վարքագծի, նրանք ծառայությունների էին նշանակվում թագավորական պալատում՝ լինելով սուլթանի աչքերի առջև և հետո ծառայելով նրան մի որոշ ժամանակ, և երբ գլխավորների կարծիքով, նա արդեն արժանացել էր իրենց վստահությանը, ուղարկվում էր պալատից դուրս՝ Համապատասխան

⁵⁰ Դեվչիրմեի՝ իբրև ոչ մահմեդական ժողովուրդների հանդեպ օսմանյան պետության կիրառած սոցիալական ու ազգային ճնշման, նրանց մահմեդականացնելուն ուղղված քաղաքականության հմտալի վերլուծությունը տե՛ս Ս. Կ. Զուլալյան, «Դեվչիրմեն» (մանկահավաքը) օսմանյան կայսրության մեջ ըստ թուրքական և հայկական աղբյուրների (Պատմա-բանասիրական հանդես, 1959, № 2 - 3, էջ 247 - 256)։ Սույն հոդվածում դեվչիրմեն մեղ առավել հետաքրքրում է իբրև գերության համակարգի բաղկացուցիչ մաս և իբրև երևույթ, որի գոյությունը և, մասնավորապես, անկումը, կապվում են Օսմանյան Թուրքիայում ռազմաքաղաքական և սեփականատիրական հարաբերությունների որակական փոփոխությունների հետ։

⁵¹ Metim Kunt, Transformation of Zimmi into Askeri. In: Christians and Jews into the Ottoman Empire, vol. I, New York-London, 1982, p. 58.

⁵² Մ. Կ. Զուլալյան, «Դեվչիրմեն»..., էջ 250։

չափի ռոճիկ ստանալով... Այսպիսով, սուլթանին ծառայող գլխավորների, նավապետների և նշանավոր մարդկանց մեծագույն մասը իրենց դաստիարակությունը ստանում էին սուլթանի պալատում... և այն սակավաթիվները, որոնք չէին կատարում իրենց պարտականությունները, այնպես, ինչպես որ պարգևատրվում էին իրենց տերերի կողմից ամենափոքր ծառայության դիմաց, այնպես էլ պատժվում էին ամենափոքր զանցանքի համար»

Դեվչիրմեի տղաների մի այլ խումբն օգտագործվում էր թերսհանեում (թիարան), նավատորմի վրա, իբրև աշխատուժ օգտագործվում գյուղատնտեսական և արհեստագործական արտադրության մեջ, հանքային սրղյուճահանման ոլորտում, մշակութային-կրթական հաստատություններում (իմարեթներ) և այլն: Մասնավոր՝ ընտանիքներում պաշտոն տղաների կարգավիճակը ամենևին չէր տարբերվում մահմեդականացված ռազմագերիներից, որոնց կյանքն ու աշխատանքը ամբողջովին տնօրինում էին տերերը:

Օսմանյան բանակը ներկայացնում էր ստրկության համակարգի (կուլլուք) մի բազմաշերտ պատկեր: Ֆերիզուն բեյի (XVII դ. II կես) «Սուլթանների գրություններից» երևում է, որ բանակում ծառայում էր կուլ արհեստավորների մի ամբողջ բազմություն՝ 3217. Թամբագործ, 2. 221 խալաթ կարողներ, 735 այլ արհեստավորներ⁵³:

Ռայա բնակչությունից դեվչիրմեով հավաքագրում էին 14 - 20 տարեկան պատանիների: XVI դ. մի ֆերմանում նշված է ընտրության կարգը՝ 40 ընտանիքից մեկ պատանի: 1573թ. մի այլ ֆերմանում նշվում է հավաքագրման չափը՝ 100-ական տղաներ Կարամանի և Զուլքադերիեի վիլայեթների սանջակներից⁵⁴:

Արդեն նվաճված բնակավայրերում պատանիների և աղջիկների բանակը որոշվում էր սուլթանի կամ բանակի գլխավորի ցանկությամբ: Այսպես, Նոփո Բրդո քաղաքը գրավելիս Սնհմեդ II-ը իսկույն ձեռնամուխ եղավ դեռահասների հավաքագրմանը, թեև նախապես բնակիչներին խոստացել էր, որ սրանց անձնատուր լինելու դեպքում ձեռք չի տա կանանց և դեռահասներին: Թուրքերը հրամայում են բնակիչներին՝ դուրս գալ քաղաքի դարպասներից: «Եվ այսպես, նրանք դուրս եկան մեկը մյուսի հետևից: Եվ սուլթանը, կանգնելով դարպասների առաջ, ջոկում և շարում էր տղաներին մեկ, իսկ կանանց՝ մյուս կողմում, իսկ նրանց, ովքեր ամենագլխավորներն էին, հրամայեց սպանել»⁵⁵, - գրում է ականատեսը:

Նոր նվաճված խաղաղ բնակչությունը դիտվում էր իբրև ռազմագերի, մինչդեռ, մանկահավաքի ժամանակ սուլթանի հպատակներին ինչ-ինչ ողորմածություն էր ցուցաբերվում, օրինակ, ցուցակագրում էին բազմազավակ կամ արու շատ զավակներ ունեցող ընտանիքի տղաներին կամ որդակի թվաքանակով տղաների⁵⁶ (որ չարաշահումների պատճառ էր դառնում պաշտոնյաների համար՝ այդ թվաքանակը չապահովելու դեպքում): Որոշ վայրերի ռայաները առհասարակ ազատ էին մանկահավաքից (ինչպես Կոստանդնուպոլիսը) կամ ազատ լինելու արտոնություններ ունեին: Ի դեպ, այդպիսի արտոնությունները կարող էին վերացվել դարձյալ սուլթանի

⁵³ A. Wheatcroft, *The Ottomans*. London, 1993, p. 33.

⁵⁴ Թուրքական աղբյուրներ... Հ. Բ, էջ 238:

⁵⁵ Ա. վ. Փափազյան, նշվ. աշխ., էջ 166, 170:

⁵⁶ Записки янычары. Написаны Константином Михайловичем из Островицы (Введ., перев. и коммент. А. И. Рогова). М., 1978, с. 74.

Ա. վ. Փափազյան, նշվ. աշխ., էջ 166:

Ֆերմանով՝ ռազմական կամ այլ պայմանների բերումով: Այսպես, 1621թ. հունվարի մի ֆերմանով դեվչիրմեից և այլ հարկերից ազատ մնալու արտոնութիւն ունեցող արդունահանող և վակուֆային գյուղերի ռայաները զրկվում էին իրենց արտոնութիւններից և դեվչիրմեի էին ենթարկվում «ըստ գոյութիւն ունեցող կարգի»: Պատճառը, ակնհայտորեն, այն էր, որ Օսմանյան Թուրքիան պատերազմի մեջ էր Լեհաստանի հետ (1620 - 1621), ուստի ենիչերիական զորատեսակն անհրաժեշտ էր լրացնել նոր ռեզերվով:

Մանկահավաքների առթիւ ֆերմաններում նշվում է տղաներին մայրաքաղաք հասցնելու խիստ կանոնակարգը՝ նրանց փախչելու ամեն մի հնարավորութիւնից զրկելու միջոցները (մայրաքաղաքից ուղարկված հատուկ պաշտոնյային կադինները պետք է ցուցաբերին օգնութիւն՝ ըստ ամենայնի, այդ թվում հատուկ ուղեկից ջոկատների կազմավորումը տգաներին հսկելու համար, կրկնակի մատչաններում տղաների անունները գրանցելու և այլն): Որոշ դեպքերում հավաքագրվածներից ոմանց հաջողվում էր կաշառքի և այլ միջոցներով խուսափել հավաքից, նույնիսկ այն ժամանակ, երբ Կոստանդնուպոլսում արդեն ընդունել էին մահմեդականութիւնը⁵⁸:

Ենիչերիական զորամասերում «աջնի տղաները» ապրում էին սահմանված կանոնադրութեամբ: Այստեղից արհեստների կամ գյուղատնտեսական աշխատանքների հմտութիւն ունեցողները ուղարկվում էին սուլթանական պալատի պարտեզներ, նավաշինարան, մայրաքաղաքի կենցաղային սպասարկման նպատակներով և այլն: Մի ֆերմանով (1576թ.) հրամայվում է 20 պատանիներ ուղարկել մետաքսագործարան, իբրև աշխատողներ, իսկ նույն թվականի մի այլ ֆերմանով դեվչիրմեի տղաներից 25 հոգի տրամադրվում են կայսերական պալատի ջրամատակարարմանը սպասարկելուն⁵⁹: Մ.Սեյերը նկատում է, որ նրանք ազատ մարդիկ չէին, իրավունք չունեին հեռանալ արհեստանոցից կամ հրաժարվել աշխատանքից, և որ նրանց մեջ կային բավական թվով ստրուկներ և արհեստավորներ: Ավելացնենք, որ դեվչիրմեով հավաքված արհեստավորները և, ինչպես ենիչերիները, համարվում էին սուլթանի «կուլները» և ազատ չէին կարող լինել իրենց գործունեութեան բոլոր բնագավառներում:

XVII դ. վերջին և XVIII դ. Օսմանյան կայսրութեան ռազմատնտեսական հզորութեան անկումը մի հայտնի չափով պայմանավորեց գերութեան համակարգի քայքայման գործընթացը: Թիմարի քայքայումը իր հետ բերեց անխուսափելի հետևանքներ՝ գյուղատնտեսական արտադրութեան անկում, գյուղացիութեան զանգվածային աղքատացում, որ նրա անզուսպ շահագործման հետևանքն էր: Մեր հիշատակած Կոչի բեյը Օսմանյան կայսրութեան տնտեսական անկման դրսևորումների մեջ առանձնացնում էր ռայայի հարստահարման չափերի ուժեղացումը և կուլ դասի բազմացումը⁶⁰: Կուլների բազմացումը, ի դեպ, ի հայտ էր գալիս նաև ենիչերիների

⁵⁸ Նույն տեղում, էջ 175:

⁵⁹ Նույն տեղում, էջ 169, 171: Այսուհանդերձ, մանկահավաքից փախչելով աղատվելը զրեթե անհուսալի մի բան էր: Որպես կանոն, նրանց բռնում էին: Կոստանտին Միխայլովիչը, որը գերի ընկնելով ենիչերի էր դարձել, պատմում է, թե ինչպես էր ձախողվել 20 հոգու հետ միասին փախչելու փորձ անելիս (Записки янычара, с. 74):

⁶⁰ Ա. Վ. Փափաջյան, Նշվ. աշխ., էջ 172:

⁶¹ М. С. Мейер, Османская империя в XVIII веке. М., 1991, с. 47.

⁶² Թուրքական աղբյուրներ... Հ. Բ., էջ 230:

թվաքանակի աճով, որ սկսվել էր XVI դ. վերջին քառորդին⁶³: XVII - XVIII դդ. արդեն, իրենց բացառիկ դիրքի և ազդեցության շնորհիվ ենիչերիները դառնում են կայսրության քաղաքական կյանքն ապակայունացնող գործոն, և այս իրողությունն արտացոլում էր օսմանյան Թուրքիայի տնտեսության և քաղաքական համակարգի որակական փոփոխությունները նախապատրաստող խոր ճգնաժամը: Քաղաքներում գործի ղեկով իրենց ուժն ու հեղինակությունը և մասնավորապես, օգտվելով ապահարկ դասի իրենց արտոնություններից՝ ենիչերիները ներթափանցեցին արհեստագործական-առևտրական էսնաֆի շարքերը⁶⁴, խորացնելով այստեղ գործառուղ մահմեդականների և ոչ մահմեդականների կրոնական անջրպետը: Ենիչերիներին և սիփահչիներին թուլյատրվել էր մասնակցել, հատկապես ջալալիների ապստամբության ժամանակներից, հարկահավաքման, քաղաքները գյուղատնտեսական պարենով ապահովելու գործին, որ գորացնում էր նրանց նաև տնտեսապես⁶⁵: Սուլթան Մուրադ IV-ի ժամանակ, ինչպես գրում էր Գր. Դարանադջին, սիփահչիները (կարծում ենք, նաև ենիչերիները) օգտվում էին երկրի խառնակ վիճակից՝ ռայայի հարկը ծանրացնելու համար. «Եւ սկսան խնդրել ի թագաւորէն մեծամեծ հարկապահանջութիւնս առնել զաշխարհն քրիստոնէից, որ դեռ երեք ամիս չէր եղել մին խարածին թասքիւրէքն, նա՛ կրկին հաւաքելով ի սպահի զօրացն՝ ի մեծ դիւանին և սկսան մեծաւ հարկին և բռնութեամբ խնդրել հրամանագիրս ի թագաւորէն և ի վազիրէն»⁶⁶:

XVII դ. 2-րդ կեսին ֆրանսիացի Սրշել Ֆերբյուրը արձանագրում էր ենիչերիների զորատեսակները այլակերպող երևույթները՝ նշելով, որ նրանք բոլորն էլ, հակառակ Հին ավանդույթների, ամուսնացած են և զբաղվում են արհեստներով ու առևտրով, խուսափում են արշավանքներից՝ թաքնվելով կամ կաշառքի միջոցով: Այս երևույթը շարունակվում և լայն ծավալներ էր ստանում մեկ հարյուրամյակ անց: Հակոբ Տիվրիկցին գրում էր, որ 1774թ.

⁶³ Տարբեր հեղինակների թվական տվյալները, թեև տարբեր, վկայում են այդ աճի կորագծի մասին: Ըստ Ա. Ալպոյաճյանի, Ֆաթիհի ժամանակ 12.000-ի չափ ենիչերիների թիվը Սուլեյման Կանունիի ժամանակ հասել էր 20.000-ի, 16-րդ դ. վերջին քառորդին՝ 60.000-ի, Մեհմեդ IV-ի ժամանակ՝ (1648 - 1687) 200.000-ի (Ա. Ալպոյաճյան, Պատմություն Հայ գաղթականության, Հ, Գ, Կահիրե, 1961, էջ 45): Այլ հեղինակների տվյալներով, Սուլեյման I-ի ժամանակվա 12.000-ից այդ թիվը հասել էր, հարյուր տարի անց, 46.000-ի (W. S. Davis, A short History of the Near East. New York, 1949, p. 257) կամ 1591թ. ենիչերիների թիվը կազմում էր 50.000 մարդ. միայն Ավստրիայի հետ պատերազմի ժամանակ (1687 - 1698) կամավոր ենիչերի էր գրվել 30.000 մարդ (A. Wheatcroft, նշվ. աշխ., էջ 89 - 90), թեև Հենց այս ժամանակաշրջանում էր, որ երրորդ Քյոփրյուլյու վեզիրը՝ Ֆազլը Մուստաֆա փաշան փորձել էր կրճատել ենիչերիական զորատեսակը՝ հասցնելով 20.000 մարդու և այսպիսով ապահովել մնացյալների կանոնավոր ռոճիկը (Çabuk Vahid, Koprululer. Istanbul, 1988, s. 166).

⁶⁴ Н. А. Иванов, Арабо-османский цех в XVI - XVII вв. В кн.: Османская империя. Государственная власть и социально-политическая структура. М., 1990, с. 198.

⁶⁵ М. С. Мейер, նշվ. աշխ., էջ 108 - 109:

⁶⁶ Ժամանակագրութիւն Գրիգոր վարդապետի..., էջ 556:

⁶⁷ М. С. Мейер. Новые явления в социально-политической жизни Османской империи во второй половине XVII - XVIII вв. В кн.: Османская империя. Система государственного управления, социальные и этнорелигиозные проблемы. М., 1986, с. 171.

առևանների հետ սկսված պատերազմից խուսափելու համար «արուեստագործութիւն լինէին ամենայն, որ ոչ երթային սէֆէր»⁶⁸ (պատերազմ - Ա.հ.)»։ Գյուղերը կեղեքելու և ծանր հարկեր սահմանելու իրողութիւնը, որ նշվեց վերը, ենիչերիների գլխավորներին հնարավորութիւն տվեց ուլեմների և առևտրաարհեստագործական կորպորացիաների վերնախափի հետ միասին վերածվելու խոշոր հողատերերի, գալառական ամենաազդեցիկ խավի⁶⁹։

Ենիչերիների՝ էսնաֆի մեջ ներթափանցելուն զուգընթաց, կատարվում էր նաև հակադարձ շարժում, որը փաստորեն միևնույն երևույթի դրսևորման մի այլ ձևն էր և ամբողջացնում էր էսնաֆ-ենիչերի փոխհարաբերութիւնները։ Կամավոր ենիչերի էին գրվում, իրենց հերթին, արհեստավորները, որ նրանց տալիս էր հարկ չվճարելու և սեփական բարեկեցութիւնը ապահովելու երաշխիքներ։

Արհեստավորների և բնակչութեան այլ խավերի՝ ենիչերիական զորատեսակներ մուտք գործելը թուլացնում և ապա ավելորդ էր դարձնում մանկահավաքների անհրաժեշտութիւնը գոնե ռազմական տեսակետից։ 1637թ. վերջին դեվլիթմեից հետո թուրքական աղբյուրները թեև լուրս են այդ մասին, սակայն, ինչպես նշում է Մ.Զուլայանը, այդ դեռևս չի նշանակում, որ դրանից հետո այդ ինստիտուտը վերացել է։ Նա կարծում է, որ մանկահավաքներ կարող էին լինել ոչ միայն այդ ժամանակից հետո, այլև, նվազ չափերով, մինչև XVIII դարը։

Միաժամանակ, մանկահավաքները միայն ռազմական նշանակութիւն չունեին, այլև ավանդական միջոց էին՝ թուլացնելու ոչ մահմեդական ազգաբնակչութեան ֆիզիկական ու մտավոր ներուժը և զորացնելու օսմանյան պետութեան բյուրոկրատական-վարչական և ինտելեկտուալ հնարավորութիւնները։ Բռնութեան այս քաղաքականութիւնը ոչ մահմեդականների հանդեպ հարատևում էր սովորութիւն ու ծով, և այս իմաստով միանգամայն հիմնավոր է թվում մանկահավաքները մինչև XVIII դարը շարունակվելու վերաբերյալ վերոհիշյալ տեսակետը։

Այսպիսով, թիմարի քայքայումը, գյուղացիութեան կեղեքումների ուժեղացումը և սեփականատիրական այլ ձևերի ձևախախտումը խորքային լուրջ փոփոխութիւններ էին մտցնելու օսմանյան ավանդական տնտեսութեան և ամբողջ հասարակութեան մեջ։ Դասային համընդհանուր քայքայումը փյուզեց էսնաֆի և ենիչերիական դասերի ավատատիրական ինքնաբավ մեկուսացման սահմանները՝ հասցնելով վերջինիս այլասերմանը։ Ենիչերիական զորատեսակի այդ այլասերումը, սովորական ուղիներով և օսմանցի ազգաբնակչութիւնից այդ զորատեսակը համալրելը, հիմնականում վերացրին մանկահավաքների անհրաժեշտութիւնը։ Պատահական չէ, որ այս գործընթացի հետագա խորացումը XVII դ. վերջին համընկնում է մանկահավաքների վերացմանը, թեև դրան վերաբերող օրենքը վերացվել է

⁶⁸ Մանր ժամանակագրութիւններ, XIII - XVI դդ., հ. 2 (կազմ. Վ.Հակոբյան), Ե., 1956, էջ 457։

⁶⁹ H. Inalcik, *The Ottoman Empire, 1300 - 1600*. New York - Washington, 1973. p. 51.

⁷⁰ М. С. Мейер. Нзф. аџџ., էջ 108 - 109.

⁷¹ Մ. Կ. Զուլայան, «Դեվլիթմե»-ն (մանկահավաք) ... (Պատմա-բանասիրական Հանդես, 1959, № 2 - 3, էջ 255)։

Նույն տեղում։

ավելի ուշ՝ 1750թ.⁷³: Գերեզման շուկան փակվել է է՛լ ավելի ուշ, Արդու Մեջիդի ֆերմանով⁷⁴: Սակայն, դրանից հետո էլ գերեզմանությունները և ստրկավաճառությունը շարունակում էին հարատևել⁷⁵, իբրև օսմանյան վարչական, ռազմական և հողատիրական վերնախավի եկամուտների աղբյուր և ավանդականորեն ընկալվող կենցաղի ու հոգեբանության հարատևող գործոն:

СИСТЕМА РАБСТВА В ОСМАНСКОЙ ИМПЕРИИ (XV – XVIII вв.)

А.А.ХАРАТЯН

Р е з ю м е

Система рабства в Османской империи формировалась за счет военнопленных и населения побежденных стран на территории империи (немусульманских народов – славяне, греки, армяне и т.п.). Военнопленные частично превращались в янычаров, а большая их часть продавалась или пополняла административно-бюрократические, религиозные структуры, ремесленническую, сельскохозяйственную рабочую силу, вовлекалась в сферу обслуживания султанского дворца, верхушки и других особ. Насильственный сбор подростков – девширме, как позорная форма национального и социального угнетения немусульманских народов империи – также преследовал цель пополнения янычарского корпуса (капукулу). Со второй половины XVI века разложение тимара как формы собственности внесло серьезные изменения в традиционную социально-экономическую жизнь страны. Трансформация общей структуры общества привела к разложению сословной самодостаточности ремесленничества и янычарского корпуса. Пополнение последнего за счет самого мусульманского населения фактически устранило необходимость девширме. Углубление этого процесса в конце XVII века совпало с ликвидацией института девширме.

⁷³ Ա.վ. Փափազյան. նշվ. աշխ., էջ 224:

⁷⁴ նույն տեղում:

⁷⁵ Հրապարակվելով ստրկության դեմ եվրոպական քաղաքականության ներգործության, և մասնավորապես, Ռուսաստանի հարուցած արգելքի պայմաններում, այդ ֆերմանը, այդուհանդերձ, տասնամյակներ շարունակ պետք է պահպաներ իր զուտ ձեական բնույթը: Օսմանյան Թուրքիայում գերեզմանությունը շարունակվում էր նաև 1850 - 1870-ական թթ., Ղրիմի պատերազմի ժամանակ և դեռ. դրանից հետո էլ, մինչև դարավերջ: Խայտառակ այդ առևտուրը կատարվում էր հիմնականում գաղտնի և մաքսանենգ ուղիներով՝ սուլթանական պալատին, հարեմներին և բարձրաստիճան անձանց մատակարարելով գեղեցիկ զեռահասներ, տնային ծառայողներ և այլն [տե՛ս Վ.Գ. Ղեբջյան, Ստրկավաճառությունը Օսմանյան կայսրությունում, 19-րդ դարում («Արևելագիտության հարցեր», միջրուհական ժողովածու, պր. 3 - 4, Ե., 1987, էջ 107 - 120): Այս ուղադրավ հողվածում հիմնահարցի հետազոտության յոթնականները ընդարձակված են ժամանակագրական առումով ընդգրկելով XIX դարը]: